



UNIVERSITÄTS-
BIBLIOTHEK
PADERBORN

Institutiones Canonicæ Sive Ius Ecclesiasticvm

Wiestner, Jacob

Monachii, 1706

Art. I. De Vsuris Lucratoriis.

[urn:nbn:de:hbz:466:1-62649](#)



TITVLVS XIX.

De Usuris

Burto & Rapinae adeo similis est Usura, ut non solum tanquam partus avaritiae, ac turpe lucrum: sed tanquam Rapina quendam reprobetur, eamque exercentes, Furum instar & Raptorum, obligentur ad restitucionem.

ARTICULUS I.

De Usura Lucratoria,

SUMMARIUM.

1. Usura alia Lucratoria, alia Moratoria, vel Compensatoria est.
2. Lucratoria est, quod vi mutui ultra sortem exigitur;
3. Si id pretio estimabile,
4. Et aliunde indebitum sit.
5. Usura alia Realis, alia Mentalis;
6. Pactum usurarium vel Expressum, vel Tacitum est.
7. Usura Lucratoria Ecclesiasticō,
8. Divinō utriusque Testamenti;
9. Et Naturalē etiam Jure illicita sunt.
10. Neque pro rei mutuō datā usu:
11. Neque pro utilitate ex ea proveniente:
12. Neque pro ejus ad tempus carentia exigī aliquid potest.
13. Leges Civiles, usuram permittentes, sunt correctae.
14. Diferimen inter pecunie & uavorum ad usum concessionem.

15. Usuras solvens injuriam patitur ab exigente.

Es autem usura sic dicta à rei usu: 1. & aliquando contractum, imo tam actum voluntatis internum, quam externam conventionem de lucro usurario, sive ultra sortem percipiendo: aliquando ipsum hujusmodi lucrum denotat, Molina Tratt. 2. de f. & f. disp. 303. n. 1. Quō posteriori sensu accepta usura alia Lucratoria, alia Compensatoria, & alia Moratoria vocatur.

Lucratoria, sive in sensu huius Rubrica, & propriè accepta Usura, à DD. ferè omnibus recepta definitione, est Lucrum immediatè ex mutuo proveniens, sive pecunia, aut quæcumque alia res temporali pretio estimabilis, & aliunde indebita, quam creditor ultra sortem vi solius mutui alteri dati exigit, & quasi ex justitia debitam accipit, can. Plerique 3. & can. fin. 14. q. 3. Unde

Patet primò, Usurarium non esse, qui pro mutuo sive in ejus compensacionem exigit orationem, sacrificium Misere, aut accipit beneficium Ecclesiasticum; cùm enim hæc sint aliquid spirituale vel spirituali annexum, ea vi mutui exigendō Simonia potius committitur, quam Usura juxta dicta lit. 3. n. 7. Secundò, qui honorem obsequium aut etiam donū à mutuatorio liberè & ex mera liberalitate aut gratitudine sibi delatū aut oblatū admittit; quia sic illanom quasi ex obligatione

F 2 & vi mu-

& vi. mutui debita exiguntur aut accipiuntur, Laiman *Lib. 3. Tract. 4. cap. 16. n. 2.* Tertio, qui à mutuariis accipit & exigit aliquid aliunde debitum, vg. ut depositū reddat, injūstè ablata restituat, ab injūstâ lāsione desistat; quia hæc exigens vi mutui dati nullum novum onus mutuarii imponit: sed solummodo petit, ut præstet id, quod sine injurya negare non potest, Molina *Tract. 2. cit. disp. 309. pr.* & Lessius *Lib. 2. de J. & J. cap. 20. n. 18.* Quartò, qui, rem suam vendendō vel locandō, justò majus pretium aut mercedem exigit ab emptore vel conductore; quia hujusmodi pretii aut mercedis excessus, etiā lucrum injustum sit, tamen non provenit ex mutuo, sed ex iniqua venditione vel locatione, Lessius *l. cit. n. 20.*

Patet secundò, usurarium contrà esse. Primò, qui à mutuariis vi contractū mutui exigit; ut operas suas mutuant potius, quam alteri locet: uti &, qui ab eodem exigit obsequium aut servitium aliunde indebitum, intercessionem apud Principem, vel honorem aliquem exterritum deferendum; quia haec præstandi onus & obligatio pretiò estimabilis; ac proinde vi lēsilius mutui dati imponi nequit sine usuraria iniquitate, Laiman *cit. n. 2.* & Palao *Tract. 32. disp. 4. p. 11. n. 2.* Secundò, qui ab eodē ebdē titulō exigit remissionem injuriæ illatæ, vg. in honore; ut ad recantationem aut famæ restitutio nem non obligetur: neque teneatur a cōfessione injuriarum; quia eum obligaret ad aliquid pretiò estimabile, scilicet remittendum jus exigendi debitam satisfactiōnem, quæ pretiò estimari potest, *citt.* Laimann *n. 2.* & Palao *p. 10. n. 3.* Tertiò, qui à depositario ex parte aliquid exigit pro jure utendi pecunia, apud ipsum depositā; quia tali paclō contrahitur mutuum, *l. Certi g. §. fin. ff. de Rebus creditis;* nam pecunia, frumento aliave re usu

consumptibili utendi jus in alterum trans ferens transfert eorum dominium, à jure iis utendi indistinctum: adeoque pro translato in eum jure utendi aliquid exigens id exigit ultra fortem, in quo sita est usura, Laiman, *cit. cap. 16. n. 6.* sic decla rata

Usura celebri partitione alia Realis *5.* est, & alia Mentalis. Illa committitur quando mutuum datur, interveniente paclō seu conventione, lucrum aliquod ultra fortem vg. ultra centum creditos florenos post annum decem solvendi. Ista verò non, ut videri potest, committitur solō animo & voluntate lucrum ex mutuo capiendi; hujusmodi enim animi proposi tū & voluntas usura Interna melius, quam Mentalis dicitur, ut *Tit. 3. n. 7.* dictum est de Simonia: sed, quando nullò paclō vel conventione interveniente ex mutuo speratur & intenditur lucrum, non gratuitò, sed ex obligatione, & quasi ex mutuo debitum & offerendum, *Navarrus Comment. de Usuria n. 12.* & *cit.* Laiman *n. 4. in fine.* Paclum autem usurarium, aliquando Expressum, vg. cum mutuo dans centum cum mutuariis disertè pacificatur, & convenit de decem cum eadem summa tota post annum restituendis; alia quando verò Tacitum est, vg. cum mercator ob dilationem solutionis vg. ultra annum carius vg. centum vendit merces, quarum pretium iustum summum sunt 90. vel 95. aut, cum emptor ob anticipatam solutionem merces emit minoris, quam alijs valerent, ut in fr̄ pluribus declarabitur.

Porro Usuras merè Luratorias illicitas esse, res est adeò explorata; ut earum exercitium peccaminosum esse, pertinaciter negare sine hærefoes labo nemo possit post decretum Concilii Viennensis, relatū Clement. Unice §. fin. Sylveber V. Hæresis *1. n. 7.* & Farinac. *Prax. Criminal. q. 178. n. 85.* Dubium

Dubium tantum & controversia quædam est de Jure, quō ea prohibita sunt. Et Ecclesiasticō quidem eas prohibitas, omnino liquet ex can. Apostol. 43. Concilii Nicenī cap. 18. & sententia SS. Ecclesiae DD. Augustini Hieronymi & Ambrosio, can. 1. can. Quoniam 2. disp. 37. can. 1. &c. q. 14. relatis, ex & omnibus Decretis, Constitutionibus ac Rescriptis, subiectis presenti Rubrica, non solum Gregorianæ, sed Bonifacianæ quoque & Clementina Compilationis.

An Jure etiam Divino & Naturali, dubitandi ratio primō intuitu non levis est. De illo quidem sive Divino; quod in Novo Testamento apertè approbari videantur Matth. cap. 25. v. 27. & Luca cap. 19. v. 23. quō loco paterfamilias servum pigrum reprehendens, Quare, inquit, non dedisti pecuniam meam ad mensam, & ego cum usura exigessi illam? In Veteri autem, licet exigi prohibentur à fratribus seu filiis Israël, respectu Gentium tamen permittebantur Deuteronom. cap. 23. v. 19. Non fenerabis fratri tuo ad usuram pecuniam &c. sed alieno: imò præcepta videntur Deuteronom. cap. 28. v. 10. Fenerabis Gentibus multis. De isto autem sive Naturali; quod, si usura hoc etiam Jure esset illicita, nunquam approbatæ fuissent LL. Civilibus ff. & C. de Usuris; cùm incredibile omnino sit, earum Conditoris à Naturali Jure, cuius ductu præcipue regebantur, tam enorriter aberrasse.

Earum honestati non leve patrocinium præstat partim; quod lucrum accipi & exigi etiam valeat pro concessio usu valorum aureorum & argenteorum. Cur non etiam pro usu numinorum? partim, quod usuras accipiens nemini faciat injuriam; cùm promittantur & solvantur à mutuatario liberè consentiente: scientem autem & volentem nec injuriam pati, né-

que dolō circumveniri, pateat ex l. Cū donationis 34. C. de Transact. Reg. Nemo 145. ff. & Reg. Scienti 28. in 6.

Nihilominus, Usuras Divinō quoque ac Naturali Jure veritas, D. Thomae 2. z. 9. 78. art. 1. & cæterorum DD. Catholicon constans & certa sententia est. Imò de Divino post Concilium Nicenum, can. Quoniam cit. relatum, id dixerit perhibens, idē aperte tradunt Alexander III. c. Quia in omnibus 3. c. Super eo 4. Urbanus III. c. Consuluit 10. & Innocentius III. c. Quam perniciosum 11. hic: patetque ex ejus Juris claris textibus, Vidi ini-quitatem in civitate: non defecit in pla-tea ejus usura & dolus Psalm. 54. v. 10. & 12. Quod si generis filium, ad usu-ram dantem, & amplius accipientem, nunquid vivet? Non vivet. Ezech. cap. 18. v. 13. Mutuum date, nihil inde speran-tes, Lucæ cap. 6. v. 35. cuius sacri textus, licet præcibus verbis confilium duntaxat; posterioribus tamen præceptum contine-ri, pateat ex c. Consuluit, c. Quam cistē & decisione Concilii Lateranensis sub Leone X. Sess. 10. paulò post pr. sicut illis. Vovete, & reddite Domino, Psalm. 73. v. 12. S. Thomas cit. art. 1. ad 4.

Neque cum his pugnant verba Ser-vatoris, adducta pro usurarum honesta-te; quia Imprimis nomine Usura iis in-telligi potest lucrum proveniens ex nego-tiatione, vg. cambio vel societate, Molina Tratt. 2. de I. & I. disp. 304. n. 18. Deinde; quia iis usura accipiuntur me-taphoricè pro augmento meritorum, quod talentorum aliorūque naturalium & supernaturalium donorum usu non mi-nus sollicitè procurare eā Parabolā Chri-stus docet filios Lucis, quām filii hujus Seculi quārunt lucrum temporale, ut no-tant cist. S. Thomas ad 1. & Molina n. 18.

Neque textus ex Deuteronomio te-
latif

F 3

lati, cùm; quòd Judæis usuras cum Genitibus exercere permisum fuerit, tanquam minùs malum ad evitandum majus: quod Judæorum avara gens facile incurrit, eas à fratribus quærendò: sicut alicubi inter Christianos lupanaria ad graviora carnis flagitia avertenda tolerantur, ut eum locum explicat *cit.* Doctor Angelicus *ad 2.* tum verò; quòd juxta expositionem S. Ambrosii *can. fin. 14. q. 4.* Judæi constituti sine domini Regionum & omnium facultatum, quas illae Genes possidebant. Unde eas, sicut armis, sic aliis modis, & mutui contractu in speciem usurario, vindicare sunt permisiti, ferè sicut Clericus à laico detenta bona beneficia eorūque fructus simili modo repetere permittitur *c. 1. in fine, ubi Glossa fin.* & aliis relatis Molina *disp. cit. n. 17.*

9. Idem de Jure Naturali non obscurè inde colligitur, quòd SS. PP. & summi Pontifices, usuras illicitas esse, desumant, ex *cit.* aliusque textibus veteris Testamenti, ut pater *ex can. Quoniam &c. Quia &c. Super eo cit.* cuius tamen leges solum Morales, quæ Juris Naturalis præcepta sunt, obligant Christianos, arg. *c. Translato 3. de Confit.* ut advertit *cit.* Molina *disp. 304. n. 14.* & dictum in *Preamio n. 42.*

Ex rationibus, quibus usuras Jure Naturali prohibitas, suaderi solet, placet duplex. Prima; quia Jus Naturale exigit, illicitum esse modum acquirendi, quòd, si permisus esset, fortunæ egenitum facile absorberentur, & in necessitate consti-tuti, pecunias à sceneratoribus quacunque lege acceptis, ad summam rerum inopiam facile redigerentur: quod per usuras merè lucratorias fieri, pater *ex c. Quanto 18. in fine,* & notant Panormit, in *c. cit. n. 2.* & Corrasius *Lib. 3. Mi-scell. cap. 21. n. 7.* Altera; quia Natu-

ralis æquitas non permittit; ut in com-mutatione, vg. venditione pro re vg. e-quo, cuius justum premium summum 100. florenos non excedit, plus, vg. 105. vel 110. exiguntur: quod tamen faciunt fe-neratores, qui pro mutuò datis 100. exigunt 105. vel 110. præcisè vi contra-ctuò mutuò.

Neque dicas primò, quina vel dena-exigi & accipi pro usu, sive jure uten-cie pecuniæ, frumento &c. mutuò con-celsò; quia pecuniæ mutuò datae domi-nus non est mutuans, sed mutuarius; mutuum enim sic appellatur; quòd *De meo tuum fit l. Mutuum 2. §. 2. ff. de Re-bus creditiis.* Unde illà utendi jus ad hunc, non illum spectat; quia jus utendi pecu-niæ aliiisque rebus oīu consumptibilis, quod conceditur in mutuo, ab ejus do-minio non distinguitur, ut ostendit Gaill. *Lib. 2. Observat. 7. n. 4.* neque æstima-tionem & valorem rei auger; ut adeò pro jure utendi pecuniæ creditā aliquid ex-igens, id exigeret pro jure utendi re aliena, & speciale æstimationem non ha-bente: quod utique repugnat Juri Na-turali.

Neque secundò, quinque aut decem exigi pro commodo & utilitate, quam ex mutuo percipit mutuarius, cùm; quia in hunc redundans commodum & utili-tas de mutuantis jure nihil pretiò æstima-bile demit aut minuit; quia eum non privat ipsa sorte aut istius commodò; cùm, si fors apud eum remaneret, ni-hil fructificaret: tom verò; quia, si pro-prier solam utilitatem mutuatarii ultra forte-rem aliquid exigere licet, propter eandem solum vendi res cariùs posset, contra receptam doctrinam *cit. S. Thomæ cit. q. 77. art. 1. & dicta Lib. 3. tit. 17. n. 50.*

Neque dicas tertio, illa exigi pro obli-gatione pecuniam mutuò datam in-tra annum vg. non repetendi; quia pe-cuniam

pecuniam, aliasque res usu consumptibiles pro eo solum tempore interest habere, pro quo usui esse possunt; & propterea earum possessio pro eo solum tempore estimabilis est, pro quo commodus est earum usus. Cum ergo pro eo tempore, pro quo alteri mutuus datur, earum usus mutuanti commodus non sit, pro eo tempore earum retentio pretio estimabili, & carentia pro eo tempore compensabilis non est: nisi ex ejus carentia mutuanti datum emergat, aut lucrum cesserit &c. quod aliquo ultra tempore datum compenetur, ut ostendit Esparta Cursus Theolog. Lib. 8. de Justitia q. 46. art. 5. § 6.

- ¶ 13. Pro lucri usurarii defensione deduceta difficultia non sunt. Primum; quia ll. Civiles multae de Usuris tantum Compensatoriis aut Moratoriis commodè explicantur, Haunold. Tom. 3. de I. & I. Tract. 9. n. 381. Quæ autem de Lectorioris agunt, eas tanquam minus malum ad vitandum majus permiserunt; quod avaritia hominum in totum cohiberi non posset, ut ex. Eos qui 26. C. h. à Rubr. defudit Arnold. Corvinus Enarrat. ejus Rubrica, §. Jure Civili: & correcta sunt à SS. Canonibus, præfertim Clement. Unica, h. à Rubr. cuius dispositionem; quia visitationem peccati & salutem animarum spiritualem spectat, in Foro etiam & à Magistratu Seculari observandam, recte advertit Covarruvias Lib. 3. Var. cap. 1. n. 6. & Azor p. 3. Inst. Lib. 5. cap. 2. q. 5.

- ¶ 14. Alterum; quia non est partitas inter pecuniam mutuò datam & vasa aurea commodata, vel potius locata, cum; quia pecunia usu consummitur; non etiam vasa, qua post usum remanent, ut eadem in specie five numero restituti possint: tum verò; quia dominium vasorum commodatorum vel locatorum manet penes commodantem vel locantem: pe-

cunia autem mutuata dominium & consequenter ea propriè dicto modò intendit ius in mutuatarium transit. Modò, inquam, propriè dicto; quia, si ad usum impropiè dictum, vg. ad pomparam & ostentationem concederetur, inflat vasorum aliarumque rerum usu non consumptibilium, censeri posset, Tholofanus Lib. 2. de Usuris cap. 3. n. 7.

Tertium; quia verum non est, quod mutuatorius non patiatur injuriam; quia non consentit omnino liberè, sed usuras nullò justò titulo debitas partim à praesente & urgente sua necessitate: partim à fricatoris, sine usuris mutuum dare nolentis, avaritiā coactus & invitus solvere censetur, hoc ipso; quod suum sponte jactare nemo presumatur, I. C. de Indebito 25. ff. de Probat. S. Thomas q. 13. de Malo, art. 5. & Molina disp. 304. cit. n. II.

ARTICULUS II.

De Usuris Moratoriis.

SUMMARIUM.

16. Hæ vel Legales, vel Judiciales sunt, vel Conventionales,
17. Quarum priores licet exiguntur à creditore,
18. Si solutione dilatio culpabilis sit.
19. Quò casu licet exiguntur Conventionales,
20. Etiam cessante interesse creditoris:
21. Nisi apposta sint in fraudem usurvarum,
22. Vel excedant culpm,
23. Vel, debiti parte solutâ, tota extinguantur.
24. Sola Conventionales ante sententiâ condemnatoriam debentur.

Morato-